



Mercedes-Benz

Prezentirana nova Mercedes-Benz B-klasa

Saopštenje za medije

Nagovještaj nove ere u kompaktnoj klasi

24. 11. 2011.

AUTOline, glavni zastupnik Daimlera AG za Bosnu i Hercegovinu, danas je u Sarajevu bosanskohercegovačkoj javnosti prezentirao novu B-klasu, koja je svjetsku premijeru doživjela na posljednjoj IAA Međunarodnoj izložbi automobila u Frankfurtu. Druga generacija B-klase najavljuje novu eru u kompaktnoj klasi Mercedes-Benza, kako u dizajnu, tako i u tehnologiji. Novi kompaktni *sports tourer* dobio je potpuno nove 4-cilindarske benzinske i dizelske motore s direktnim ubrizgavanjem goriva i turbo punjačima, novi automatski mjenjač s dvije spojke te niz novih sigurnosnih sistema.

Znatno agilnija i učinkovitija, ali jednako udobna i prostrana – nova B-klasa ima mnogo prednosti. Dinamičnost ovog kompaktnog *sports tourera* je, na prvi pogled, uočljiva zahvaljujući smanjenoj visini vozila i uspravnijem položaju sjedenja u njemu. Prema riječima Semira Drnde, voditelja marketinga i prodaje putničkih vozila u AUTOlineu, „niti jedna nova generacija nekog modela u historiji Mercedes-Benza nije odjednom donijela toliko inovacija kao nova B-klasa.“

Motori i pogon – dizajnirani za maksimalnu efikasnost

Potrošnja goriva nove B-klase niža je za do 21 % u odnosu na prošlu generaciju. Mercedes-Benz je za B-klasu razvio potpuno nove motore. Oba dizelska modela, B 180 CDI BlueEFFICIENCY (80 kW/109 KS) i B 200 CDI BlueEFFICIENCY (100 kW/136 KS), sada troše samo 4,4 litara goriva na pređenih 100 kilometara, uz emisiju štetnih plinova od samo 114 i 115 g CO₂/km. Benzinski modeli također su znatno popravili performanse - B 180 BlueEFFICIENCY (90 kW/122 KS) i B 200 BlueEFFICIENCY (115 kW/156 KS) sada troše svega 5,9 litara goriva na pređenih 100 kilometara (137 i 138 g CO₂/km).

Uz nove motore, Mercedes-Benz je za novu B-klasu razvio i nove automatske i ručne mjenjače. Simultani razvoj omogućio je savršenu koordinaciju novih

motora i mjenjača, koji uz uvođenje ECO start/stop funkcije, sada standardne za sve modele B-klase, osiguravaju maksimalnu efikasnost. U B-klasi Mercedes-Benz je premijerno predstavio svoj novi automatski mjenjač 7G-DCT s dvije spojke.

Dizajn eksterijera – savršena prostranost u atraktivnom izdanju

Strana 2

Nova B-klasa se, kao tipičan Mercedes-Benzov *sports tourer*, odlikuje iznimnom prostranošću u kombinaciji s impresivnim voznim performansama.

Karakteristične linije vanjskog dizajna upućuju na sportski duh vozila i otkrivaju obilje prostora u unutrašnjosti. Prednjim dijelom vozila dominiraju široka rešetka hladnjaka i atraktivna prednja svjetla. Za stražnji dio karakteristično je široko stražnje staklo, a pažnju privlače stražnja svjetla i velika stražnja vrata s niskim utovarnim pragom.

Sportski duh i izvanredna aerodinamičnost B-klase posebno su vidljivi s bočne strane: linija poklopca motora skladno prelazi u A-stub, a linija krova lagano se spušta prema krovnom spojleru straga, što vizualno izdužuje vozilo. Naglašeni blatobrani i linije izvedene na srednjem dijelu vrata predstavljaju sportsku interpretaciju trenutnog Mercedes-Benzovog dizajnerskog pravca. Dinamični pragovi naglašavaju sportsku notu vozila i daju mu određenu optičku lakoću. Rafiniranim detaljima, poput onih na prednjim svjetlima, B-klasa zasigurno predstavlja premium vozilo u kompaktnoj klasi i nedvosmisleno pokazuje pripadnost porodici Mercedes-Benz vozila.

Dizajn interijera – nova dimenzija kvaliteta

Visokokvalitetnim materijalima i pomno oblikovanom površinom, prefinjenim detaljima, besprijeornom obradom i obiljem prostora, interijer B-klase definira nove, više kriterije u kompaktnom segmentu.

Detalji u B-klasi pokazuju posebno Mercedes-Benzovo razumijevanje kvalitete i estetike, a mnogi su do sada bili rezervirani za luksuzne limuzine viših klasa. U tom smislu, po želji je dostupna i instrumentna ploča obložena ARTICO kožom s ukrasnim šavovima. Četiri paketa opreme – Chrome, Sports, Exclusive i Night – omogućavaju individualno opremanje B-klase, prema želji vlasnika vozila.

U unutrašnjosti, pažnju odmah privlače veliki trodimenzionalni umeci. Dostupne su četiri izvedbe koje pokrivaju široki spektar stilova, od modernog, preko sportskog do elegantnog. Svim je izvedbama zajednička kombinacija luksuza,

atraktivnog izgleda, visoke kvalitete i trajnosti.

Tri velika okrugla ventilacijska otvora u sredini i jedinstveno dizajnirane križne mlaznice daju sportsku notu dizajnu interijera. TFT displej u boji, dostupan u dvije veličine (147 i 178 mm), kao da lebdi iznad otvora, a pored toga je i prefinjenog dizajna - pocinčani okvir u kontrastu je s pozadinom od crnog klavirškog laka. Sve je to samo dio atraktivnih dodataka u kokpitu nove B-klase.

Strana 3

Trokraki upravljač s kromiranim umecima u sredini, instrumentna ploča s četiri okrugla analogna instrumenta, te sjedišta s kontrastnim šavovima dodatno naglašavaju sportski duh nove B-klase.

Sigurnost na najvišem nivou

PRE-SAFE® sistem preventivne zaštite putnika po prvi put je dostupan u kompaktnoj klasi. U slučaju rizičnih situacija u saobraćaju, automatski se aktiviraju mjere za zaštitu putnika, zatežu se sigurnosni pojasevi, zatvaraju prozori i krovni otvor, te se u optimalnu poziciju pomjeraju prednja sjedišta, tako da se postiže maksimalna efektivnost zaštitnih sistema.

B-klasa serijski je opremljena i COLLISION PREVENTION ASSIST - radarskim sistemom za izbjegavanje sudara, te Brake Assist - asistentom za kočenje. Sistem za izbjegavanje sudara u slučaju rizičnih situacija akustično i optički upozorava vozača te priprema Brake Assist sistem, koji izračunava potrebni kočioni pritisak; kad se pritisne papučica kočnice, sistem automatski aktivira izračunati stepen kočenja kako bi se spriječio sudar.

B-klasa opremljena je i najmodernijim sistemima zaštite i asistencije, koji su do sada bili rezervirani za veće modele Mercedes-Benza, kao što su Adaptive Highbeam Assist - sistem adaptivnih dugih svjetala, Blind Spot Assist - asistent za mrtvi ugao, Lane Keeping Assist - asistent za voznu traku, ATTENTION ASSIST - sistem praćenja koncentracije vozača, Speed Limit Assist - asistent za prepoznavanje ograničenja brzine, Active Parking Assist - sistem pomoći pri parkiranju, DISTRONIC PLUS - radarski tempomat, kamera za vožnju unatrag i LINGUATRONIC - sistem govornog upravljanja.

COMAND Online – multimedijalni sistem s pristupom internetu

Pristup internetu, praktičan sistem upravljanja glasom LINGUATRONIC, dva

rješenja za navigaciju (zavisno od želja i potreba), priključak za mobilne i audiouređaje, izvanredna funkcionalnost i jednostavan upravljački koncept - to je nova generacija multimedijalnog sistema Mercedes-Benz u B-klasi, do sada rezervirana samo za luksuzne Mercedesove limuzine. Upravljanje sistemom pomoću praktičnog kontrolera, smještenog ispred naslona za ruku, poznato je iz drugih Mercedes-Benzovih modela.

Strana 4

COMAND Online multimedijalni sistem omogućuje pristup internetu preko mobilnog uređaja. Putem usluge Mercedes-Benz Online može se surfati internetom, a stranice se učitavaju vrlo brzo. Integrirana je i usluga pregleda vremenske prognoze te pretraga destinacija putem Googlea, kao i mogućnost preuzimanja ruta za navigaciju preko Google Maps.

Sve je spremno za budućnost: "ENERGY SPACE" koncept

Koncept "ENERGY SPACE" znači da je nova B-klasa već spremna za razvoj modela s alternativnim pogonom: odgovarajući prostor u karoseriji vozila omogućava modifikaciju podnice vozila i prilagodbu za alternativni pogon. Podni odjeljak u dijelu ispod stražnje klupe nudi prostor za akumulatore alternativne energije.

Cijene nove B-klase u Bosni i Hercegovini

	Cijena (u KM, s PDV-om)
B 180 CDI BlueEFFICIENCY	51.375,-
B 200 CDI BlueEFFICIENCY	55.666,-
B 180 BlueEFFICIENCY	48.343,-
B 180 BlueEFFICIENCY	52.062,-

Detaljne informacije o novoj B-klasi kupci mogu dobiti u svim ovlaštenim Mercedes-Benz prodajnim centrima u Bosni i Hercegovini, a prve isporuke vozila planirane su za novembar 2011. godine.

Kontakt:

Semir Drndo, tel.: +387 (0)33 953 062, semir.drndo@autoline.ba

Đenita Grcić, tel.: +387 (0)33 953 077, djenita.grcic@autoline.ba